

GREBA OROKORRA. Nafarroako Gobernuak dekretuz ezarriko ditu ekainaren 19rako eta 20rako deitu diren greba orokorretako gutxieneko zerbitzuak. Aurreratu du aurreko greba orokorrean ezarritako zerbitzuen «antzekoak» izanen direla bi egunotakoak.

Nafarroako Gobernuak etzi dekretuz ezarriko ditu gutxieneko zerbitzuak

Iturriagagoitiak esan du ez direla sindikatuekin bilduko, eta hauek hartu bidea ez dela «egokiena»salatu du

Erredakzioa | IRUÑA

Nafarroako Gobernuak dekretuz ezarriko ditu ekainaren 19ko eta 20ko greba orokorretako gutxieneko zerbitzuak. Nuria Iturriagagoitia UPNko gobernuaren bozeramaileak iragarri du aurreko greba orokorrean izandako zerbitzu bertsuak arautuko dituela eta astelehenean jakinaraziko dituztela.

Etzi Nafarroako Jauregian egingen duen bileran erabakiko du Gobernuak zein izanen diren

gutxieneko zerbitzuak. Nuria Iturriagagoitia Gobernuak bozeramaileak Parlamentuan atzo adierazi zuen «mesfidantzak ekiditeko» ekainaren 19rako zein 20rako dekretuz arautuko dituela Gobernuak gutxieneko zerbitzuak.

Astelehenean kontseilari bakoitzaren proposamenak entzun ondoren erabakiko dira gutxieneko zerbitzuak. Dena dela, irizpidea aurreko grebetan ezarri gutxieneko zerbitzuen il-doari jarraitzea dela esan zuen

NURIA ITURRIAGAGOITIA

UPNko gobernuak bozeramaile

«Une batean baliagarria izan denak, balio dezake beste baterako. Aurreko bertsuak izanen dira»

Iturriagagoitiak. «Une jakin batean baliagarria izan dena, beste batean ere baliagarria da», azaldu zuen. Beraz, gutxieneko

zerbitzuak aurreko greba orokorraren «bertsuak» izanen direla gaineratu zuen.

Hala bada, UPNren gobernuak ez die sindikatuak deituko gutxieneko zerbitzuak adosteko. Are gehiago, Iturriagagoitiak sindikatuen jarrera kritikatu egin zuen. Bozeramailearen irudiko sindikatuen jokamoldea «ez da egokiena», negoziatu beharrean, Gobernuari erronkak ezartzen ari zaizkielako. «Hordagoen eremuan jarraitzen dugu, elkarriketa eta negocia-

zioaren eremuan egon behar genuenean», adierazi zuen.

Iturriagagoitiak Espainiako Gobernuak onartutako langabezi erreformaren eduki osoarekin ez datorrela bat esan zuen. Ildo berean, PPrene gobernuak erreforma onartzeko erabili «moduak» ez direla egokiak esan zuen. «Baditu alde onak eta txarrak ere, aldatu beharrekoak, beraz», erantsi zuen. Aldaketak gauzatzeko, Madril eta Nafarroaren artean elkarriketa bultzatuko duela esan zuen.



JON HERNANDEZ / ARGAZKI PRESS

Jose Elorrietaren iritziz, «Aznar Francoren osteko agintaririk zoritxarrekoa da, xenofobo, liberal eta euskaldunen aurkakoa.

ATXIKIMENDUAK

Hiru garraiolarien sindikatua 19ko greba deialdiari atxiki zaio

Hiru euskal garraiolarien sindikatuen konfederazioak bat egin du sindikatu aberztaleek hilaren 19rako deitutako greba orokorrarekin, atzo jakinarazi zuenez. Greba honen bitartez, euskal garraiolari autonomoen sindikatuak «PPren gobernuaren langabeziaren erreformak dakarren prestazio eta eskubide murrizketa» salatu nahi du, baita «garraiolari autonomoen eskubide sozialak defenditu» ere.

Hilaren 19ko deialdia aukeratzeko arrazoia, berriz, «euskal gune sozio-ekonomikoaren aldarrikapena» da, eta, aldarrikapen hori lortu bitartean, garraiolarien sindikatuak «gure ekonomia eta garraioa, sektore estrategiko gisa, planifikatu ahal izateko eskumenak» eskatzen ditu.

«Hiru sindikatua murrizketa sozialen, langabeziaren eta esplotazioaren aurka dago, baita enpresa handien interesen, lan arriskuen, prekarietateen eta garraiolarien babesik ezaren kontra ere», azaldu du.

ELAk eta LABek hilaren 19ko Euskal Herriko greba orokorraren arrakasta iragarri dute

J. Aiertza-I. Santamaria | BILBO-GASTEIZ

Euskal sindikatuak greba orokorra prestatzeko ekitaldietan buru-belarri murgilduta daude. ELAko eta LABeko idazkariek, Jose Elorrietak eta Rafa Diezek, 19ko grebaren arrakasta ziurtzat eman zuten atzo Bilbon eta Gasteizen, euskal langileak eta gizartea PPrene politikaren aurka eta euskal gune sozio-ekonomikoaren alde oso kontzientziatuta daudelakoan.

«PPri min handia egingo dio 19ko grebak, jarraipen zabala izango duelako, haren politika osoaren aurka izango delako eta Euskal Herrian izango delako. Horregatik, PPK futbol partida hau irabaziko duela esan arren, hemen hiru eta huts galduko du», esan du Elorrietak.

ELAko idazkariak Jose Maria Fidalgo CCOOkoa kritikatu du, Aznarrek «adostasuna bilatzen zuen erreformista izakera galdu» duela esateagatik. «Az-

nar Francoren osteko agintaririk zoritxarrekoa da, xenofobo, ultraliberal eta euskaldunen aurkakoa. Adostasuna bilatzen zuen erreformista zela esanda, argi dago ikuspegi ezberdinak daudela Espainian eta Euskal Herrian, eta greba eguna ezberdin ulertzen da».

LABeko idazkaria Eusko Jaurlaritzak eta EAJ nahiz EA alderdietara zuzendu zen, euskal sindikatuen deialdiarekin bat egiteko eskatuz, «lan harre-

manetarako euskal gunearen alde daudela esaten dutenez».

«Euskal Herrian lan eta gizarte politikak erabakitzeak garaia da, eta 19an gehiago politikoak, sozialak eta sindikalak aldarrikapen hori agertu behar du», esan zuen Diezek.

CCOOko Espainiako buruzagi Jose Maria Fidalgo ere Bilbon izan zen, Josu Onaindi euskal idazkariarekin eta ehunka ordezkariarekin batera, hilaren 20ko grebarako adostemateko. Fidalgok Aznarri «agintaldiko azken urte latzak» iragarri dizkio, erreforma dekretua atzera bota ezean.